

醫
髓

卷
下

嘔吐者胃氣逆而不下

一仁劉氏曰有穀之謂嘔有物之謂吐穀者氣與火也物者痰與食也或寒氣所干或暑氣所中或忿怒氣逆或飲食過傷或虺虫作痛或久病胃虛凡此皆能嘔吐大抵脉虛而細者吉脉實而大者凶治以二陳湯為主胃寒者水漿不納脉急沉遲加乾薑肉桂丁香益智之類傷暑者煩渴面垢脉虛體熱加黃連扁豆香茹厚朴怒則肝火出胃嘔而口苦胃脇不利脉弦而數加香附芍藥姜炒芩連竹茹烏梅傷食者吐出酸臭如山查草果神麴麥芽枳實砂仁之類飲食過傷而嘔吐者加葛根麴蘖猪苓澤瀉白豆蔻之

胎產時有嘔者
亦因陽明之氣
得下行耳

類虺出上攻而吐者加烏梅川椒黃柏乾姜白朮蓋虺得椒之苦
則頭伏得梅之酸則軟也久病胃虛聞穀氣嘔者加人參白朮伏
龍肝藿香積痰而嘔吐者加南星枳實竹瀝姜汁內傷瘀血在胃
而吐者加桃仁生姜汁一人過傷飲食腹痛便秘嘔吐不止予曰
陽明之氣下行為順上行為逆此因地道不通故發嘔吐法當下
之用脾積丸一服而愈一人霍亂吐瀉之後飲湯即吐食物亦吐
不得停留予曰吐瀉者氣之滑也當以瀉劑治之用燒針丸一服
而愈

燒針丸

黃丹

水飛

白枯礬

辰砂

各等分

為末丸散針灸後燒過瘡腫每服茶清米泔水下

泄瀉者脾氣傷而不平

丹溪曰泄瀉有濕有氣虛有火有痰有食積戴元禮註曰瀉水腹不痛者濕也飲食入胃不住完穀不化者氣虛也腹痛瀉水腸鳴痛一陣瀉一陣者火也或瀉或不瀉者或多或少者痰也痛甚而瀉瀉後痛減者食積也一仁劉氏曰泄瀉者之病四時感受不同或因風寒暑熱所干或因七情飲食所犯動傷脾胃氣故作泄瀉治當分其新久審其原因新則伐邪之藥為主而健脾之藥為左久則以補脾之藥為君而升發之藥為使予嘗便其症而用之藥確然有驗者錄之於後瀉下青色腹痛脉浮者挾風也宜羌

活防風之類瀉下白色腹痛脉沉遲而弱四肢清冷小便澄清者
挾寒也宜乾薑肉桂附子之類瀉下焦黃色口燥脉虛身熱者挾
暑也宜黃連扁豆香茹之類瀉下清水或如塵腐水色腹不痛身
軀重倦怠卧無力脉沉而緩濕也宜蒼朮白朮厚朴之類瀉下穀
肉不化酸臭異常胃脘飽滿惡聞食氣者傷食也宜山楂草萊神
麴麥芽萊菔子之類瀉下或多或少或瀉或不瀉或如魚凍者挾
痰也宜南星半夏瀉下過多小水不利者當分利陰陽小水長而大
便實也宜茯苓滑石猪苓澤瀉之類如久患泄瀉者又不可用用
之則損陰氣當見胞眼陷下而死此七條皆伐邪之藥也至于健脾

者無如白朮茯苓陳皮炒白芍之類而補脾者則又有人參山藥
扁豆蓮肉薏苡芡實之類大抵脾胃之氣上升則為長生之令脾
胃之氣下降則為收藏之令泄瀉日久皆因脾胃之氣下陷也宜
用生發之藥如升麻防風葛根柴胡羌獨活之類又有每夜子時
後五更前作瀉者乃腎虛故作瀉也用肉果破故紙五味子以補
腎

五苓散

五苓散白朮茯苓桂枝猪澤泄瀉用之靈分利膀胱溢

胃苓湯

寒瀉腹中疼大小便利清胃苓湯一盞姜枣水煎吞

藳苓湯

暑瀉熱如湯心煩瀉不安藳苓湯入味燈心用一團

柴苓湯

身熱口中渴更兼瀉下頻柴苓湯一劑施治捷如神

參苓散

參苓白朮散蓮肉扁薏苡砂仁甘桔藥久瀉胃中虛

霍亂者脾寒傷食所致

一仁劉氏曰霍亂之症卒然心腹疼痛上吐下瀉謂之濕霍亂也

其或痛而不得吐者謂之乾霍亂也但此症有寒熱二種治者當

詳辨而藥之夫屬寒者吐利腥穢上下所出水液澄澈清冷脉沉

而遲四末厥冷腹痛不喜飲水此陰邪勝也屬熱者吐利煩熱者

有汗口渴欲飲涼水脉沉而數四末溫煖此陽邪勝也總用霍香

正氣散加減而治乾霍亂症先用鹽湯探吐吐後亦以正氣散調

理如探吐不能吐者死在傾刻也

藿香正氣散

正氣散藿香二陳姜芷朴桔梗腹皮均吐瀉陰陽搏

有熱者加姜炒黃連寒者加乾薑腹痛加官桂痛甚去藿香加吳茱萸
小便不利加茯苓轉筋加木瓜發熱加麥門冬淡竹葉若頻欲登園不
通利者加陳皮枳殼中暑者加藿香扁豆心下痞加枳實青皮肉食
不化加神麴麥芽霍亂吐利腹痛服藥即吐者百沸湯半碗冷井水
半碗合而服之即安

痞滿者脾倦積濕而成

痞滿者非痞塊之痞也乃胃中痞悶而不舒暢也其由脾倦不能

運化水穀以致積濕成痰留於中脘而覺痞悶也治宜健脾順氣
氣順則痰利脾健則食磨痞消而通泰矣方用二陳湯加枳實白朮
香附砂仁白豆蔻藿香厚朴瘦人多鬱熱加黃連去半夏血虛加川芎
當歸去半夏食積加神麴麦芽山查去白朮半夏肥人多濕多痰
加蒼朮氣虛加人參去半夏痰膈加瓜蒌仁貝母桔梗竹瀝姜汁
去白朮半夏脾泄中滿加蒼朮白芍藥去半夏

咳逆者胃氣之不順

咳逆者俗謂之發呃也聲短者出於中焦水穀之病也聲長者出
於下焦虛邪相搏也脉浮緩者吉弦急者凶傷寒失下便閉而呃

者承氣湯吐利後胃寒而呃者丁香柿蒂湯吐利後胃熱而呃者橘皮竹茹湯氣逆而呃者木香順氣散病後發呃者難治

丁香柿蒂湯

丁香柿蒂湯人參三味攪傷寒吐利後胃冷服之安

橘皮竹茹湯

橘皮竹茹湯人參甘草攪生薑并棗子胃熱服之安

木香調氣散

木香調氣散丁香白蔻仁藿檀砂國老鹽湯送下吞

咳嗽者肺氣之不清

潔古曰有聲而無痰者咳也必傷肺氣有痰而無聲者嗽也動于脾濕咳嗽者有痰有聲因傷肺氣而動于脾濕也丹溪謂咳嗽之因有風寒有痰飲有火鬱有勞嗽有肺脹戴元禮註曰鼻塞

聲重惡寒者風寒也嗽動便有痰聲痰出嗽止者痰飲也有聲痰少面赤者火鬱也盜汗出痰多作寒熱者勞嗽也動則喘滿氣急息重者肺脹也咳嗽之脉浮緊風寒沉數實熱洪滑多痰弦濇少血浮大者生沉細者死一仁劉氏治嗽驗方風寒嗽用蘇沉九寶飲痰飲嗽用導痰湯甚者用小胃丹火鬱嗽用參蘇飲去人參加桔苓勞嗽用知母茯苓湯肺脹嗽用清肺飲

蘇沉九寶飲

蘇沉九寶飲麻桂薄荷陳杏仁甘大腹寒嗽效如神

知母茯苓湯

知母茯苓湯當歸芍地黃天門甘白木勞嗽是良方

清肺飲

清肺飲梔苓桑歸茯苓門桔陳甘杏味姜枣水煎成

一久嗽不止用款冬花紫苑五味肉烏梅肉等分為丸噙化凡嗽藥
內忌用川芎

噯氣皆由於痰火

噯氣者有痰有火用南星半夏石膏香附炒山梔或丸或煎胃寒
噯氣用二陳湯加乾姜益智仁木香婦人噯氣連噯十餘聲不
噯出心寬不噯則緊用越鞠丸

噤酸盡為乎食停

噤酸者酸水刺心也吐酸者吐出酸水也俱是脾虛不能運化飲
食鬱積已久溫中生熱遂作酸也平胃散加神麴麥芽山楂草菓

吳茱萸黃連枳實或用六醫湯越鞠丸尤妙口吐清水用壁土炒
蒼朮白朮陳皮茯苓滑石各等分水煎服効

附骨嘈症

嘈雜者俗謂之心嘈也有痰火因動而嘈者二陳湯加酒炒黃連
梔子仁有心血少而嘈者八物湯加麥門冬山梔仁陳皮烏梅炒
米有因食鬱而嘈者越鞠丸

中滿鼓脹者脾虛不運

中滿鼓脹者四肢不腫單腹脹也有似乎鼓故名鼓脹仁齋直指
曰其症有四曰氣鼓曰血鼓曰食鼓曰水鼓皆由脾虛不能運化

以致停聚而為脹也。治宜順氣活血，寬中利水，各有攸當，切不可用猛烈之藥，致傷脾胃。病再復來，不可治矣。若臍突肉硬，肚大青筋者，死。女人鼓脹，雖有因於氣食而成者，然成於血分居多，成於氣食者，腹雖脹而經不閉，成於血分者，經必閉也。足背手掌俱平者，並為不治。脹滿脉弦，脾制於肝，洪數為熱，遲弱為寒。浮則為虛，緊則為實。浮大者生，虛小者死。朝寬暮急者，血虛；暮寬朝急者，氣虛；朝暮俱急者，氣血兩虛也。

分消湯

分消湯治鼓。二朮、陳香附、朴、實、茯苓、砂、腹皮、猪苓、佐、生姜。

一片、燈心一團、水煎服。氣急加沉香、脇痛而黑是氣鼓，加青皮去。

白朮脇滿小腹脹痛身上有血絲縷是血鼓加當歸赤芍紅花丹皮
去白朮茯苓噯氣作酸飽悶腹脹是食鼓加山楂神麴麦芽菜
蔬子去白朮茯苓惡寒手足厥冷瀉去清水是水鼓加官桂胃
腹脹滿有塊如鼓者是痞散成鼓加山楂神麴麦芽半夏青皮
歸尾玄胡索鱉甲去白朮茯苓猪苓澤瀉予嘗治之肥人腹脹
用胃苓湯瘦人腹脹用蒿苓湯二方甚捷

附水腫

內經曰諸濕脹滿皆屬於脾諸氣臃鬱皆屬於肺蓋水腫之由皆
脾虛不運肺鬱不通以致水積三焦而為浮腫以手按之成窟舉

手即滿也。身有熱者，水氣在表，治當汗之；身無熱者，水氣在裏，治當下之。又云：腰以上腫者，宜發汗；腰以下腫者，宜利小便，兼以順氣和脾為主。斯為良法，慎不用大戟、芫花、甘遂等猛烈之劑以攻其虛症。我恐峻決者易固閉者難，水氣復來而無可治之機矣。

風腫皮膚麻木走注疼痛，分心氣飲治之；氣腫皮厚四肢瘦削，腹脇脹滿，流氣加減治之；腰以上腫者，分心氣飲；腰以下腫者，五子十皮飲；血腫皮間有絲縷者，婦人多有此症，是敗血化為水也，調經散治之；生瘡腫者，敗毒散加荆防、金銀花、兼服五子十皮飲，脾虛足附腫者，由中氣下陷也，補中益氣湯寄居異鄉，不服水土而

腫者藿香正氣散大抵腫退宜白朮煎膏調理脾胃

分心氣飲

分心氣二陳通官

腹皮青

蘇羌

芍藥

姜枣

共燈心

流氣飲

流氣飲

香蘇

陳苓

半朴

莪腹

枳殼

木芷

桂藿

菖蒲

五子十皮飲

五子十皮飲

車葶

腹紫

香加

桑苓

大橘

瓜果

木青

姜

噎膈翻胃者氣食相凝

一仁劉氏曰噎膈之病皆因七情過傷飲食失節食因氣逆則食

不下降氣因食阻則氣不運行氣食痰涎互相凝結留于咽噎者

為噎留胃膈者為隔妨得飲食漸為嘔吐翻胃之病也

丹溪有云自氣成積自積成痰痰挾瘀血遂成窠囊此症若不早